



MURID dan guru SK Tanjung Aru 1, Kota Kinabalu bergambar kenangan di hadapan bangunan Menara UMS Kampus Antarabangsa Labuan.

Murid SK Tg Aru 1 tambah ilmu di UMSKAL

UB 9-11-13 B4

LABUAN: Seramai 23 murid Sekolah Kebangsaan (SK) Tanjung Aru 1, Kota Kinabalu telah mengadakan lawatan sambil belajar ke Universiti Malaysia Sabah, Kampus Antarabangsa Labuan (UMSKAL), kelmarin.

Rombongan yang terdiri 11 murid lelaki dan 12 murid perempuan Tahun Lima dan Enam itu mendengar taklimat mengenai UMSKAL oleh Penolong Pegawai Tadbir, Bahagian Pentadbiran, Mohizam Mohamad di Bilik Seminar Bangunan Menara UMSKAL.

Mohizam yang mewakili Timbalan Pendaftar UMSKAL, Zamri Mohamad Tuah berbangga dengan kunjungan murid-murid sekolah itu dan berharap mereka akan datang lagi sebagai mahasiswa universiti tersebut pada masa akan datang.

Dalam pada itu katanya, Pengarah UMSKAL, Prof Madya Dr Ismail Ali mengucapkan terima kasih atas kesudian murid dan guru SK Tg Aru Kota Kinabalu berkunjung ke UMSKAL sekaligus dapat membantu mempromosikan UMSKAL sebagai institusi pengajian



MOHIZAM (tengah) menyampaikan cenderamata kepada Haji Abd Razak diperhatikan Safri (kiri).

tinggi awam (IPTA) yang tunggal di Wilayah Persekutuan Labuan.

Rombongan sekolah itu diketuai guru disiplin, Mohd Safri Yanin yang mewakili Guru Besar SK Tg Aru 1, Haji Yusop Mattaim.

Mereka dibawa melawat makmal komputer Sekolah Sains Informatik Labuan (SSIL) di tingkat 9, Bangunan Menara UMSKAL yang menempatkan komputer yang canggih dan moden untuk pengajaran dan

pembelajaran pelajar SSIL.

Lawatan itu bertujuan untuk meningkatkan motivasi murid Tahun Enam agar belajar bersungguh-sungguh untuk melanjutkan pelajaran ke peringkat lebih tinggi terutama ke UMS.